

Aruba Bank a patrocina documentario di cas di torto




ORANJESTAD (AAN): Aruba Bank a atende e presentacion di e documentario di cas di torto, organiza y presenta pa Fundacion Herencia Historico di Aruba, den cuadro di Aruba Bank su sosten na e funda-

cion pa yuda salvaguardia Aruba su herencia y historia.

Cu hopi orguyo e banco pionero di Aruba a uni cu FHHA pa yuda nan yega na nan meta pa tene bibo e historia y cultura Ar-

ubano door di a prepara un proyecto pa documenta diferente aspecto di cas di torto, entre otro, su historia, e forma di trahe, y e planeamento di un cas di torto, pa asina comparti e informacion y conocemen-



to cu e poblacion Arubano y e futuro generacionnan. Cu e proyecto aki, kier a laga e poblacion mira con ta construi un cas di torto y e balor di un cas di torto pa un famia.

Segun Managing Director di Aruba Bank, Señora

Sharon Fränkel-de Cuba "Nos ta contento di por a yuda FHHA realisa e documentario di cas di torto, pa contribui na promocion di nos herencia cultural y pa yuda salvaguardia nos historia pa futuro generacionnan".